

四書集注

論語

冊二

論語

四倍謝要

中華書局

宋本外研

并集

并集

墨研

四部備要

經部

上海中華書局據吳縣吳

氏倣宋本校刊

桐鄉陸費達總勘

杭縣高時顯輯校

杭縣吳汝霖校

丁輔之監造

論語序說

史記世家曰孔子名丘字仲尼其先宋人父叔梁

紇母顏氏以魯襄公二十二年庚戌之歲十一

月庚子生孔子於魯昌平鄉陬邑爲兒嬉戲常

陳俎豆設禮容及長爲委吏料量平委吏本作季氏史索

隱云一本作委吏爲司職吏畜蕃息職見周禮牛人讀爲

所此官即孟子所謂乘田適周問禮於老子

既反而弟子益進昭公二十五年甲申孔子年

三十五而昭公奔齊魯亂於是適齊爲高昭子

家臣以通乎景公有聞韶聞政二事公欲封以尼谿之

田晏嬰不可公惑之。有季孟語孔子遂行反乎

魯定公元年壬辰孔子年四十三而季氏強僭

其臣陽虎作亂專政故孔子不仕而退脩詩書

禮樂弟子彌衆九年庚子孔子年五十一公山

不狃以費畔季氏召孔子欲往而卒不行。有答子路

東周語定公以孔子爲中都宰一年四方則之遂

爲司空又爲大司寇十年辛丑相定公會齊侯

于夾谷齊人歸魯侵地十二年癸卯使仲由爲

季氏宰墮三都收其甲兵孟氏不肯墮成圍之

不克十四年乙巳孔子年五十六攝行相事誅

少正卯與聞國政三月魯國大治齊人歸女樂

以沮之季桓子受之郊又不致膳俎於大夫孔

子行魯世家以此以上皆為十二年事適衛主於子路妻兄顏

濁鄒家孟子作適陳過匡匡人以為陽虎而拘

之有顏淵後及文王既沒之語既解還衛主蘧伯玉家見南

子有矢子路及未見好德之語去適宋司馬桓魋欲殺之天有

生德語及微服過宋事又去適陳主司城貞子家居三歲

而反于衛靈公不能用有三年有晉趙氏家臣

佛肸以中牟畔召孔子孔子欲往亦不果有路

堅白語及荷蕢過門事將西見趙簡子至河而反又主蘧

伯玉家靈公問陳不對而行復如陳

據論語則絕糧當在

此時季桓子卒遺言謂康子必召孔子其臣止之

康子乃召冉求

史記以論語歸與之數爲在此時又以孟子所記數詞爲主司

城貞子一時語疑不然蓋語孟所記異同耳孔子如蔡及

葉

有葉公問答子於是楚昭王沮溺耦耕荷蓀丈人等事史記云於是楚昭王使人聘孔子孔子

將往拜禮而陳蔡見大夫發徒圍之故孔子絕糧於陳蔡之閒有愠見及告子貢一貫之語按是

時陳蔡臣服於楚若楚王來聘孔子陳蔡大夫安敢圍之且據論語絕糧當在去衛如陳之時

楚昭王將以書社地封孔子令尹子西不可乃

止

史記云書社地七百里恐無此理時則有接輿之歌

又反乎衛時靈公

已卒衛君輒欲得孔子爲政

有魯衛兄弟及答子貢夷齊子路正

名之而冉求爲季氏將與齊戰有功康子乃召

孔子而孔子歸魯實哀公之十一年丁巳而孔

子年六十八矣有對哀公及康子語然魯終不能用孔子

孔子亦不求仕乃敘書傳禮記有杞宋損益刪

詩正樂有語大師及樂正之語序易彖繫象說卦文言有假

我數年弟子蓋三千焉身通六藝者七十二人

弟子顏回最賢蚤死後十四年庚申魯西狩獲

麟有莫我知孔子作春秋有知我罪我等語論語

明年辛酉子路死於衛十六年壬戌四月己丑

孔子卒年七十三葬魯城北泗上弟子皆服心

喪三年而去。惟子貢廬於冢上。凡六年。孔子生

鯉。字伯魚。先卒。伯魚生伋。字子思。作中庸。子思學於

曾子而孟子受業子思之門人

何氏曰。魯論語二十篇。齊論語別有問王知道。凡

二十二篇。其二十篇中。章句頗多於魯論。古論

出孔氏壁中。分堯曰下章。子張問以爲一篇。有

兩子張。凡二十一篇。篇次不與齊魯論同。

程子曰。論語之書。成於有子。曾子之門人。故其書

獨二子以子稱。

程子曰。讀論語。有讀了全然無事者。有讀了後其

中得一兩句喜者。有讀了後。知好之者。有讀了後。直有不知手之舞之。足之蹈之者。

程子曰。今人不會讀書。如讀論語。未讀時。是此等人。讀了後。又只是此等人。便是不曾讀。

程子曰。頤自十七八。讀論語。當時已曉文義。讀之愈久。但覺意味深長。

論語卷之一

朱熹集注

學而第一

此為書之首篇故所記多務本之意乃入道之門積德之基學者之意

先務也凡十六章

子曰學而時習之不亦說乎

說悅同○學之為言效也說人性皆善而覺有先

後覺者必效先覺之所為乃可以明善而復其初也習鳥數飛也學之不已如鳥數飛也說喜意也既

學而又時習之則所學者熟而中心喜說於其進自不能已矣程子曰習重習也時復思繹浹洽於中則

說也又曰學者將以行之也時習之則所學者在我故說謝氏曰時習者無時而不習坐如尸坐時習也

立如齊立有朋自遠方來不亦樂乎

樂音洛○朋同類也自遠方來

則近者可知程子曰以善及人而信從者衆故可樂又曰說在心樂主發散在外

人不知而

不愠不亦君子乎

愠紆問反○愠含怒意君子成德之名尹氏曰學在己知不知在人

何愠之有。程子曰：雖樂於及人，不見是而無悶，乃所謂君子。愚謂及人而樂者，順而易，不知而不愠者，逆而難。故惟成德者，能之。然德之所以成，亦曰學之正習之熟，說之深，而不能已焉耳。○程子曰：樂由說而後得，非樂不足。○有子曰：其爲人也孝弟，而好犯上者，

鮮矣。不好犯上，而好作亂者，未之有也。鮮，上好皆去聲。下同。

○有子曰：孔子弟子，名若，魯事父母爲孝，善事兄長爲弟。犯上謂干犯在上之人。鮮，少也。作亂則爲悖逆爭鬪之事矣。此言人不能孝弟，則其心不和，順少好犯上，必不好作亂也。君子務本，本立而

道生。孝弟也者，其爲仁之本與。○與，平聲。○務，專力也。本，猶根也。仁者愛之。

理也。言君子凡事專用力行於仁，與者疑辭，謙退不敢質言也。言君子凡事專用力行於根本，根本既立，則其道質

自生。若上文所謂孝弟，乃是爲仁之本。學者務此，則仁道自此而生也。○程子曰：孝弟順德也，故不好犯

上。豈復有逆理亂常之事？德有本，本立則其道充大。孝弟行於家，而後仁愛及於物，所謂親親而仁民也。

故爲仁以孝弟爲本。此是由論性則可以仁爲孝弟之本。或問
行仁自孝弟始。孝弟不可蓋仁。是一事。謂之行仁是用之本。性
可謂是仁之本。則不可。蓋仁是性也。孝弟是仁之本。則
中只有箇仁義禮智四者而已。易嘗有孝弟來。然仁
主於愛。愛莫大於愛親。故曰孝弟也者。其爲仁之本
與。○子曰。巧言令色鮮矣仁。其巧好令善也。好其言善
人。則人欲肆而本心之德亡矣。聖人辭不迫切。專言
鮮。則絕無可知。學者所當深戒也。○程子曰。知巧言
則知色矣。非仁。○曾子曰。吾日三省吾身。爲人謀而不

忠乎。與朋友交而不信乎。傳不習乎。

省。傳悉井反。爲去聲。傳平聲。○曾

子。孔子弟子名參字子與。盡己之謂忠。以實之謂信。

傳。謂受之於師。習。謂熟之於己。曾子以此三者日省

其身。有則改之。無則加勉。其自治誠切如此。可謂得

也。○尹氏曰。曾子守約。故動必求諸身。謝氏曰。諸子

之學。皆出於聖人。其後愈遠而愈失。其真獨曾子之

學專用心於內故傳之無弊觀於子思孟子可見矣惜乎其嘉言善行不盡傳於世也其幸存而未泯者

學不盡心乎○子曰道千乘之國敬事而信節用而愛

人使民以時其道乘皆去聲○道治也千乘者諸侯之一國

適之時謂敬事而信者敬其事而信於民也時謂農隙之時言治國之要在此五者亦務本之意也○程子

曰此言雖至淺然當時諸侯果能此亦足以治其國矣

聖人言雖至近上下皆通此三言者若推其極堯舜

曰之治亦不過此若常人之言近則淺近而已矣楊氏

曰上言不敬則下慢不信則下疑下慢而疑事不立矣

敬事而信則以身先之也易曰節以制度不傷財不害

民蓋修用則傷財傷財必至於害民故愛民必先於

節用然使之不被其澤矣然此特論其所存而已未

及為政也苟無是心則雖有政不行焉胡氏曰凡此

數者又皆以敬為主愚謂五者反復相因各有次第

細推之宜○子曰弟子入則孝出則弟謹而信汎愛衆

而親仁。行有餘力。則以學文。

弟子之聲。○第上聲。則弟之

常也。信者言之有實也。汎廣也。衆謂詩書六藝之文。仁謂仁者餘力猶言暇日以用也。文謂衆人親近之文。

○程子曰。爲弟子之職。力有餘。則學文。不脩其職而先文。非爲己之學也。尹氏曰。德行本也。文藝末也。職窮

其本末。知所先後。可以入德矣。洪氏曰。未。有餘力而學文。則文滅其實。有餘力而不學文。則質勝而野。愚

謂力行而不學文。則無以考聖賢之成法。識事理之當然。而所行或出於私意。非但失之於野而已。○

子夏曰。賢賢易色。事父母。能竭其力。事君。能致其身。

與朋友交。言而有信。雖曰未學。吾必謂之學矣。

孔子夏

弟子。姓卜。名商。賢人之賢。而易其好色之心。好善有誠也。致猶委也。委致其身。謂不易其身也。四者皆人

倫之大者。而行之人。苟非盡其誠。學求如是而己。故子夏言有能如是之人。苟非生質之美。必其務學之至。雖

或以爲未嘗爲學。我必謂之已學也。○游氏曰。三代之學。皆所以明人倫也。能是四者。則於人倫厚矣。學

人之爲道何可以加此子夏以文學名而其言如此則古

本吳氏曰子將或至於廢學必若上章夫子之閒抑揚太

過其流之弊○子曰君子不重則不威學則不固重厚威嚴

不固堅固也輕乎外者必不能堅乎內故主忠信人不

則事皆無實爲惡則易爲善則難故學者必以是爲

主焉程子曰人道惟在忠信不誠則無物且出入無

時莫知其鄉者人心也無友不如己者辭也友通禁止

若無忠信豈復有物乎無益而不如己則過則勿憚改也勿亦禁不止之辭憚畏難

故有過則當速改不可畏難而苟安也程子曰學問

重爲質而學以成之學之道也游氏曰君子之道以勝

己者輔之然或吝於改過則終無以入德而賢○曾